

# Universitätsbibliothek Paderborn

## Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Secunda Secundæ Et Tertia Pars Divi Thomæ Complectitvr -  
Qvæstiones Insper Ad Mores, & praxim spectantes, maximè circa  
Sacramenta, accuratè declarantur

**Carleton, Thomas Compton**

**Leodii, 1664**

Sectio I. Quænam sit materia remota Sacramenti Eucharistiæ.

**urn:nbn:de:hbz:466:1-13826**

num absolutè, Penitentiam verò iis qui post Baptismum sunt lapsi, esse ad salutem simpliciter necessariam; ordinem vero toti Ecclesiarum, reliqua autem solum ait esse necessaria secundum quid.

XIII.  
Diverso modo intellegenda sunt verba Christi de Baptismo. & de Eucharistia.

XIV.  
Votum in

Nec obstat affinitas verborum illorum Joannis tertio, versu quinto: *Nisi quis renatus fuerit ex aquâ & Spiritu Sancto, non potest introire in regnum Dei;* hæc enim verba, ut constat, latius patent, & sic comprehendere etiam possunt parvulos; illa vero, *Nisi manducaveritis, &c.* solum erant prolatæ ad adulitos, siquæ important præceptum, cujus capaces non sunt parvuli.

Solum noto ad confusione vitandam, quæ in hac questione esse solet maxima, votum variis

modis sumi, primò latissimè, pro desiderio cuiuscumque rei, etiam non necessariæ, quo sensu loquitur Tridentinum sessione decimâ tertiatâ, <sup>hac materia tribus modis sumitur.</sup> pite octavo de iis qui per fidem & votum hujus Sacramenti spiritualiter communicant. Secundò strictius, pro desiderio & proposito saltem implicito rei alicuius obligantis, qualia sunt precepta. Tertiò strictissimè, pro eo quod substituitur tanquam vicarium alterius ad effectum aliquem conferendum, quem licet conferat, adhuc relinquit obligationem rem cujus hoc est vicarium, suscipiendo, quomodo se habet contratio in adultis respectu Baptismi, & Penitentie: & hoc solum sensu negamus Eucharistie votum esse ad salutem necessarium.

## DISPUTATIO SEPTUAGESIMA TERTIA.

### *De Materiâ remota hujus Sacramenti.*

**E**GIMVS in superioribus de materiâ permanente, & intrinsecè constitutive hoc Sacramentum, Corpore scilicet & Sanguine Christi, & aliis, ex quibus tanquam ex partibus constat, nunc itaque de materiâ illius transeunte tractandum, illâ nimirum, quæ in consecratione, seu primâ Eucharistia constitutione destruitur, circa quam plurimæ & scitu dignissima, ut hac Disputatione constabit, à Theologis proponi ac discuti questiones solent.

#### SECTIO PRIMA.

##### *Quenam sit Materiâ remota Sacramenti Eucharistie.*

I.  
Fides Gnosticorum  
haciens er-  
rare S. Tho-  
mas pra mo-  
destia noluit  
referre.

T omittam fædos Gnosticorum hac in parte errores, quibus affine est turpe Manichæorum commentum, quos errores inquit Suarez hic, disp. quadragesimâ tertiatâ, *dæstia noluit* *sefione* primâ Sanctus Thomas recentere propter modestiam noluit. Tres alias hac de re errores refert Sanctus Doctor hic, quæst. septuagesimâ quartâ, articulo primo. Primus error illorum est, qui in pane & cæso hoc Sacramentum conficiebant, quos etiam refert Sanctus Epiphanius hæresi quadragesimâ nonâ, & Sanctus Augustinus libro de hæresibus, capite vigesimo octavo, indecè dicti sunt *Artotyrites*, secundò *Catapryges* sanguinem ex toto infantis alicuius corpore minutis punctionibus immaniter elicabant, cumque farinæ miscentes panem inde conficiebant, quem postea ad Eucharistie consecrationem impie usurpabant,

Tertius error à Sancto Thomare relatius erat circa materiam sanguinis; quidam siquidem sobrietatis pretextu aquâ loco vini, in huic Sacramenti confectione utebantur, inde dicti *Aquarii*. <sup>Aquâ nunc nulli loci</sup> Huic errorem prater alios quos refert Sanctus Isidorus, Sanctus Cyprianus, Sanctus Clemens Alexandrinus, & alii, amplecti necessariò debebant Manichæi, qui, ut testatur Sanctus Augustinus libro vigesimo contra Faustum, capite decimo tertio, & Sanctus Leo Papa sermone quarto quadragesimâ, vinum abominabantur. Alii vero vel lac solum, vel lac melle mixtum pro vino consecrabant.

Alii denique, *Ophites* dicti, serpentem, utrefert Sanctus Augustinus citatus capite decimo *Ophitum* septimo, & Tertullianus de prescriptionibus circa Eu-hæreticorum capite septuagesimo quarto, juxta *charistia* altare alebant, qui per Sacerdotis incantationem <sup>conficitur</sup> statim temporibus egestius panem lambebat, ex <sup>rem, euifig</sup> <sup>materia</sup> quo conficiebant Eucharistiam. Sed hæc mera abusus sunt somnia, & contemnda potius, quamimpugnanda. Quare ut ad rem accedam.

Materia hujus Sacramenti remota est panis & <sup>Materia re</sup> vinum: ita Sanctus Thomas quæst. septuagesimâ <sup>quartâ, art. primo, & Theologi omnes, eiisque mota hujus</sup> expreßè

*Sacramenti  
panis &  
vinum.*

expressè definitum in Florentino, in decreto ad Armenos, & in Tridentino sessione decimâ tertîa: & ob hoc Ethnici olim Christianos dicebant colere Cererem & Liberum, ut testatur Sanctus Augustinus libro vigesimo contra Faustum, capite tertio.

**V.** Probatur assertio apertè ex facto Christi: Fuit autem conveniens ut sub speciebus panis & vini, potius quām aliarum rerum institueretur hoc Sacramentum, tum quia, ut ait Sanctus Thomas, sicut conveniens fuit ut ablutio spiritualis in aquā institueretur, quia illa est quā uiuntur homines communiter in ablutione corporali, ita quia id quod communissimè adlibent homines in refectione corporis est panis & vinum, ideo convenientissimum fuit, ut Sacramentum, quod ad nutriendam animam per modum refectionis institutum est, sub speciebus panis & vini institueretur. Secundò ut etiam docet Sanctus Thomas ibidem, ad significandam unitatem Ecclesiae, quæ est corpus Christi mysticum, quod constituitur ex diversis fidelibus, sicut panis ex diversis granis conficitur, & vinum fluit ex diversis uiris.

**VI.** Panis hic esse debet triticus. Panis qui sit materia apta hujus Sacramenti esse debet triticus: ita Sanctus Thomas quæst. septuagesimâ quartâ, art. tertio, Suarez, Vázquez, Coninck, & omnes passim, cœque definitum in Florentino, in decreto ad Armenos, & in literis unionis. Caicetus tamen, Tannerus, & alii putant Concilium ibi solum assignare triticum tanquam materiam aptissimam. Verius nihilominus est Concilium loqui de materiâ necessariâ, alioqui ubi idem requirit aquam naturalem ad Baptismum, & vinum de vite ad Eucharistiam, posset quis dicere solum loqui de materiâ aptissimâ.

**VII.** Quid nomine tritici intelligatur. Per triticum autem intelligimus cum Sancto Thoma, Tannero disp. quinta, quæst. secundâ, Layman de Sacramento Eucharistia, cap. secundo, Coninck quæst. septuagesimâ quartâ, art. tertio, & aliis, non perfectissimum solum triticum, sed omne illud granum, quod cum purissimo tritico affinitatem aliquam habet. Unde Sanctus Thomas ad secundum ait filiginem, seu secale esse materiam aptam, & idem docet Albertus Magnus, Paludanus, & alii, & probabile putat Soto de spelta. Unde cum Sanctus Thomas ad secundum negat speltam sufficere, intelligit, ut notat Soto, aliud genus frumenti durissimi, & ad conficiendum panem minis apti, quo etiam modo intelligendus est dum ex farre negat confici posse hoc Sacramentum. Sitamen de aliquo dubitetur an triticum sit necne, non licet extra casum necessitatis materiam illam consecrare.

**VIII.** Oriza, milium, hordeum, ave- na non sunt materia eœ consercationis. Avena itaque, oriza, hordeum, milium, & alia hujusmodi, quæ ab omnibus censentur non esse triticum, non sunt materia hujus Sacramenti, quamvis Gabriël lectione trigesimâ quintâ in canone Missæ dicat hordeum esse materiam aptam consercationis, idque ita acriter, ut oppositum definire, dicat non esse tutum homini Theologo. Sed hoc modò sustineti non potest. Idem a fortiori est de leguminibus, & quibusdam radibus, ex quibus apud nonnullas nationes quoddam panis genus confici solet. Amidum vero, licet ex medullâ tritici fiat, tamen in ipsâ confectione corruptitur, unde non est materia apta, ut cum Sancto Thoma ad quartum docent Autores communiter. Debet vero misceri farinæ tritici aqua naturalis, non rosacea: nec etiam

R. P. Compton Theol. Scholast. Tom. II.

debet confici ex lacte, butyro, melle, &c. sic enim est potius libum, quām panis.

Caicetus putat farinam aquæ rosacea admixtam esse materiam sufficientem, quod specie substanciali physiæ non differat ab aliâ. Sed quicquid sit de hoc, sufficit differre specie accidentalis, nam in arte factis sufficit differentia in formâ artificiali & usuali; qua etiam de causâ massa farinæ cruda, vel oleo aut butyro frixa, aut aqua tritici mixta non est materia hujus Sacramenti, ut communis habet opinio, licet specie forte non differant à pane communî modo cocto.

Notandum vero hinc cum Sancto Thoma, & Autorebus communiter, aliquam alterius rei admixtionem non obstat veritati hujus materiae modò magna non sit; tunc enim mutaret species. Si panis ita corruptus sit, ut solvatur species, non est materia apta hujus Sacramenti, secundus non obstat, cus si non planè corrumpatur ut notat Sanctus Thomas ad quartum.

Tam panis azymus, quām fermentatus est materia hujus Sacramenti: ita habetur in Florentino in literis untonis, ubi dicitur debere Sacerdotes sive occidentalis sive orientalis Ecclesie hac in parte propriam consuetudinem servare, ut illi in azymo, hi in fermentato consecrent, ita ut graco dum intra Ecclesie illius terminos commemoratur, non licet consecrare in azymo, aut latino in fermentato dum vivit intra limites Ecclesie latine.

Nonnulli vero, latinis panem azymum, græcis fermentatum dicebant esse de necessitate Sacramenti, ita ut si illi in fermentato, hi in azymo consecrare tentarent, nihil facerent, nec Christum sub speciebus præsentem constituerent, sed est, inquit Suarez hic, disp. quadragesimâ quarta, scđt. tertiatâ, ineptissima sententia, & omnini fundamento destituta.

Quoad vinum dico quodvis & solum vinum de vite, idque ex uvis maturis expressum, non in iis adhuc contentum sufficere; si enim needum sit expressum, cibus potius est, quām potus, siicut pomum non est siccera. Rationem addit Coninck, quia non potest sufficere designari per particulam hoc, cum non continetur liquor ille in uvâ ut in vase, sed tanquam pars in toto, unde licet si sanguis continetur in vase, possemus monstrato vase dicere, hoc est sanguis, non tamen id possemus congruè dicere monstrato homine: si vero uvæ maturæ non sint, non est liquor ex iis expressum vinum, nec potus humanus, sed potius acetum. Sufficit autem vinum recenter expressum, needum defæcatum, non tamen ex uvis passis, seu exsiccatis; videntur enim substantia mutare. Et si autem validè consecratur mustum, aut vinum recenter ex uvis expressum, unde etiam apud nonnullos in more erat ut primitiae uarum in calicem expressæ certo anni die consecrarentur, sicque Deo peculiariter offerrentur, hoc tamen fieri licet non potest, ut notat Suarez disp. quadragesimâ quintâ, scđt. primâ, Coninck quæst. septuagesimâ quartâ, articulo quinto, num. centesimo vigesimo quarto. Layman de Eucharistiâ capitulo secundo, numero sexto, & alii, quod tamen intelligi debet extra casum necessitatis, nam in necessitate id licere docent Coninck & Layman citati.

Circa vinum congelatum, Alanus, Armilla, & Angles dicunt non esse materiam validam consercationis. Contraria tamen sententia est omnium penè Doctorum, quia vere vinum illud retinet

IX.

*Malè docet  
Caicetus  
materiam  
sufficientem  
coferationis  
esse farinam  
tritici mix-  
tam aquâ  
rosacea.*

X.

*Aliqua al-  
terius rei  
admixatio  
veritati  
materie  
non obstat,  
modo non  
fit magna.*

XI.

*Et azymus  
panis, &  
fermentatus  
est materia  
apta conse-  
crationis.*

XII.

*Dicebant  
aliqui La-  
tinum fa-  
cerdotem  
non pote-  
valide con-  
secrare in  
fermentato,  
neç Græcum  
in azymo.*

XIII.

*Liquor in  
uvæ adhuc  
contentus  
non sufficit  
ad consecra-  
tionem.*

XIV.

*Vinum con-  
gelatum  
valide con-  
secratur.*

*Si tamen ante consecrationem congeletur, consultius esse videtur illud mutare.*

retinet substantiam vini. Monet tamen Suarez, si ante consecrationem contingat vinum congelari, consultius esse illud mutare, & aliud sumere: quod tamen inquit Layman citatus, intelligendum est si ex congelatione mutatio contingat in accidentibus, ita ut censetur vinum aliquo modo corruptum, aliquo inquit ille, consultius erit illud iterum resolutum consecrare, quam mutare. Quod verò dicit Alanus Christum definere esse sub speciebus statim atque vinum consecratum congelatur, ac proinde aliud vinum esse consecrandum, & est contra communem sententiam & proximam Ecclesie, nam in Missali Romano de defectibus Missæ dicitur, si vinum consecratum in calice congeletur, debere liquefieri & sumi.

## XV.

*Vinum congelatum est remotè potabile, & propterea est materia consecratio-*

## XVI.

*Dices: Ergo liquor adhuc in uvis existens est materia consecrationis; à quæ enim potabilis est ac vinum congelatum: sicut enim hic requiri-*

Dices, vinum congelatum non est potabile, ergo non est materia consecrationis. Distinguo antecedens: Non est potabile in actu secundo, & proximè, concedo; non est potabile ex natura sua, & remotè, nego: hoc autem sufficit ut aliquid sit materia illius Sacramenti, cuius essentia non consistit in usu, sicut consistit Baptismus, quia de causa aqua congelata non est materia proxima illius, quia non est proximè apta ad ablutionem, in qua tamen consistit essentia Baptismi.

Urgebis: Ergo liquor adhuc in uvis existens est materia consecrationis; à quæ enim potabilis est ac vinum congelatum: sicut enim hic requirit sola liquefactio, ita ibi expressio. Negatur consequentia: Liquor enim ille in uva existens habet aliquid oppositum conceptui potus, cum sit pars uva, & sub statu cibi, qui est status omnino oppositus, vinum autem congelatum non minus est vinum, quam aqua congelata est aqua, unde per se est potabile, & reducere se potest ab intrinseco ad potabilitatem proximam, ut bene Suarez disput, quadragesima quintā, sectione primā, fine: & penè eadem ratio est de vino congelato ac de pane, qui casu aliquo ita durus effectus est, ut comedи omnino non possit, nisi arte aliquā reddatur mollior, ut notat Suarez ibidem, licet tamen consecrari non potest vinum congelatum, unde peccaret graviter quisquis hoc attentaret, ut docent omnes.

## SECTIO SECUNDA.

*Vtrum Christus panem azymum consecraverit, an fermentatum.*

## I.

*Gracorum hac in parte error.*

**G**RACORUM sententia vel error potius est, ut vidimus sectione precedente, solum panem fermentatum esse materiam aptam ad hoc Sacramentum, vel licet vel validè conficiendum. Hic error, ut advertunt rerum Ecclesiasticarum Scriptores, mille viginti annis incepit post Christi adventum: hanc sententiam tenet Euthymius Matth. cap. vigesimo sexto, Nicephorus libro primo historia, capite vigesimo octavo, & in hoc errore etiamnun persistat Graci, cumque mordicus defendant. In eo autem hic eorum error fundatur, quod Christum potent, non in azymo, sed fermentato consecrasse, & hoc modo Eucharistiam primò instituisse.

## II.

*Confians Latinorum sententia est, Christum conse-*

latini vero omnes econtrario affirmant Christum consecrasse panem azymum. Tota autem haec controversia dependet à quæstione illa quo die Christus sit mortuus, cuius discussio licet ad interpres Scripturæ spectet, nonad Theologos,

breviter tamen dico Christum lunā decimā quindecimæ in mortuum fuisse, in ipso solemnissimo festo Azymorum, & consequenter cum pridié quam patetur, in ipsa cena noctis præcedentis, venerabile Sacramentum instituerit, illud lunā decimā quartā ad vesperam, cum jam festum Azymorum, quod semper pridié post Solis occasum incipiebat, instituerit necesse est, cum jam nemini per septem dies panem fermentatum domi habere licet: ita Sanctus Thomas tertia parte, quæstione quadragesimā sextā, articulo nono, ad primum, Suarez Tomo secundo in tertiam partem, disp. quadragesimā, sect. secunda, Bellarmine libro quarto de Eucharistia, cap. octavo, Vasquez hic, disp. centesimā septuagesimā secundā, Coninck quæst. septuagesimā quartā, artic. quartō, dub. primo, & omnes communiter, præter Legionensem, qui cum Gracis dicit Christum lunā decimā tertia vespera ac Judæos agnum Paschalem comedisse asserit.

Paulus vero Burgesius, quem sequitur Maldonatus, Psalmorus, & Petavius, qui Christum lunā quidem decimā quartā agnum paschalem comedisse docent & Eucharistiam instituisse, Judæos tamen eo anno Pascha suum in diem Sabbati transfigurasse, ne duæ solemnitates sibi immensitate succederent, ac proinde Christum Judæos nullum quidem, sed non tempus comeditioni Agni Paschalium assignavit prævertisse.

Probatur nostra conclusio, nam Matthæi vigesimo sexto dicitur: Primo die Azymorum accederunt discipuli ad JESUM dicentes, ubi vobis paremus tibi comedere Pascha, ergo die illo, quo sub vesperam tenebantur omnes comedere agnum Paschale, quod clarissim constat Marci decimo quarto, ubi dicitur: Primo die Azymorum, quando Pascha immolabunt, dicunt ei discipuli, &c. & tandem addit Sanctus Lucas capite vigesimo secundo: Venit autem dies Azymorum, in quo necesse erat occidi Pascha, quæ tam aperte probant Agnum Paschalem, comedii eo die debuisse, quo Christus illum comedid, & Sacramentum hoc instituisse, illumque fuisse initium primi diei Azymorum, cuius prima vespera incipiebat semper pridié post Solis occasum, sicut apud nos primæ vesperæ alicujus festi post meridiem diei præcedentis, ut ex Gracis multi, juxta Sanctum Thomam citatum, dicant hos tres Evangelistas errasse, & à Sancto Joanne correctos fuisse, in quo ut ait Coninck numero septuagesimo septimo se obstinatissimos haereticos ostendunt, & malle ab Evangelio, quam à suis erroribus recedere.

Nec urgent quæ obiciunt adversarii; quod enim dicat Sanctus Joannes pedum lotionem, & annes letio consequenter institutionem Eucharistie contigil, se ante diem festum Paschæ, intelligit secundum communionem modum computandi dies, nempe ab ortu Solis, sicut apud nos dies resurrectionis Eucharistie & alia festa incipiunt vel post medium noctem, vel mane orto jam Sole, licet primas vesperas celebremus pridié.

Quod verò noluerint ingredi Prætorium ne contaminarentur, sed comederent Pascha, per Pascha non intelligitur Agnus Paschalis, sed alia victimæ, quibus in Paschate vesci solebant, vocatur autem Parasceve Paschæ, non quod antecederet Pascha, sed quod in ipsum diem Paschæ incederat, quem eo anno immediate sequebatur Sabbathum quod solum habebat Parasceve; in aliis enim festis licebat cibos coquere, sicut & mortuos sepelire, & ea quæ ad id opus pietatis erant preparare.